



## საქართველოს მთავრობის

### დადგენილება

N 584    2016    წლის    23    დეკემბერი    ქ. თბილისი

„საქართველოს საგარეო საქმეთა სამინისტროს დებულების  
დამტკიცების შესახებ“ საქართველოს მთავრობის 2005 წლის 16 ნოემბრის  
№206 დადგენილებაში ცვლილების შეტანის თაობაზე

მუხლი 1. „ნორმატიული აქტების შესახებ“ საქართველოს კანონის  
მე-20 მუხლის მე-4 პუნქტის შესაბამისად, „საქართველოს საგარეო საქმეთა  
სამინისტროს დებულების დამტკიცების შესახებ“ საქართველოს  
მთავრობის 2005 წლის 16 ნოემბრის №206 დადგენილებაში (სსმ, 2005  
წელი, მუხლი 1479) შეტანილ იქნეს ცვლილება და დადგენილებით  
დამტკიცებული დებულების:

1. მე-7 მუხლის პირველი პუნქტის „დ“ ქვეპუნქტი ჩამოყალიბდეს  
შემდეგი რედაქციით:

„დ) ევროპის დეპარტამენტი, რომლის ძირითადი ამოცანაა ევროპის  
ქვეყნებთან საქართველოს პარტნიორული, მეგობრული და  
ურთიერთსასარგებლო ურთიერთობის განვითარება, ევროპის ქვეყნებთან  
პოლიტიკური, ეკონომიკური, სამხედრო-პოლიტიკური და კულტურულ-  
ჰუმანიტარული თანამშრომლობის ხელშეწყობა; ამ მიზნით ევროპის  
ქვეყნებში მიმდინარე პროცესებისა და საგარეო პოლიტიკის  
მიმართულებათა შესწავლის საფუძველზე წინადადებებისა და

რეკომენდაციების მომზადება“.

2. მე-7 მუხლის პირველი პუნქტის „ჟ“ ქვეპუნქტი ჩამოყალიბდეს შემდეგი რედაქციით:

„ჟ) მეზობელი ქვეყნების დეპარტამენტი, რომლის ძირითადი ამოცანაა მეზობელ ქვეყნებთან საქართველოს პოლიტიკური, ეკონომიკური და კულტურულ-ჰუმანიტარული თანამშრომლობის ხელშეწყობა და კავშირურთიერთობის განხორციელების უზრუნველყოფა, მათ შესახებ პოლიტიკური, სოციალურ-ეკონომიკური და სამხედრო ხასიათის ინფორმაციის პერიოდული მოძიება და ანალიზი, კომპეტენციის ფარგლებში მეზობელი ქვეყნების შესაბამის ორგანოებთან საგარეო პოლიტიკური ურთიერთობების განხორციელება“.

3. მე-7 მუხლის პირველი პუნქტის „რ“ ქვეპუნქტი ამოღებულ იქნეს.

4. მე-7 მუხლის პირველ პუნქტს დაემატოს შემდეგი შინაარსის „რ<sup>1</sup>“ და „რ<sup>2</sup>“ ქვეპუნქტები:

„რ<sup>1</sup>) ახლო აღმოსავლეთისა და აფრიკის ქვეყნების დეპარტამენტი, რომლის ძირითადი ამოცანაა აღნიშნულ ქვეყნებთან საქართველოს პარტნიორული, მეგობრული და ურთიერთსასარგებლო ურთიერთობის განვითარება, ეკონომიკური და კულტურულ-ჰუმანიტარული თანამშრომლობის ხელშეწყობა; ამ მიზნით აღნიშნულ ქვეყნებში მიმდინარე შიდაპოლიტიკური პროცესების შესწავლის საფუძველზე საგარეო-პოლიტიკურ ურთიერთობათა პრიორიტეტების განსაზღვრის შესახებ რეკომენდაციებისა და წინადადებების შემუშავება;

რ<sup>2</sup>) აზიისა და ოკეანეთის ქვეყნების დეპარტამენტი, რომლის ძირითადი ამოცანაა აღნიშნულ ქვეყნებთან საქართველოს პარტნიორული, მეგობრული და ურთიერთსასარგებლო ურთიერთობის განვითარება, ეკონომიკური და კულტურულ-ჰუმანიტარული თანამშრომლობის ხელშეწყობა; ამ მიზნით აღნიშნულ ქვეყნებში მიმდინარე შიდაპოლიტიკური პროცესების შესწავლის საფუძველზე საგარეო-პოლიტიკურ ურთიერთობათა პრიორიტეტების განსაზღვრის შესახებ

რეკომენდაციებისა და წინადადებების შემუშავება;“.

მუხლი 2. დადგენილება ამოქმედდეს 2017 წლის 1 იანვრიდან.

პრემიერ-მინისტრი



გიორგი კვირიკაშვილი